



Na osnovu člana 23. i 30. Zakona o namještenicima u organima državne službe u Federaciji Bosne i Hercegovine ("Službene novine Federacije Bosne i Hercegovine", broj: 49/05 i 103/21), Odluke o prijemu namještenika u radni odnos "Vatrogasac-vozač" dva izvršioca na određeno vrijeme u Službi civilne zaštite, broj: 02-30-1-1675/22 od 27.09.2022. godine, Općinski načelnik, *o b j a v l j u j e*

**JAVNI OGLAS**  
**za prijem namještenika u radni odnos na određeno vrijeme**  
**u trajanju od 6 (šest) mjeseci**

**1. "Vatrogasac-vozač" u Službi civilne zaštite - 2 (dva) izvršioca**

**I. Opis poslova:**

- neposredno učestvuje u akcijama gašenja požara i spašavanja,
- učestvuje u provođenju mjera preventivnog djelovanja zaštite od požara, prirodnih i drugih nesreća,
- stručno se i psihofizički osposobljava prema utvrđenom planu i programu za izvršavanje akcije gašenja požara i odbrane od poplava,
- upravlja i rukuje sa motornim vozilom vatrogasne jedinice prilikom intervencija,
- vrši dovoz i odvoz vatrogasnih aparata i opreme trećim licima radi servisiranja i vrši utovar i istovar istih,
- brine se o ispravnosti i čistoći vozila,
- vrši kontrolu ispravnosti svih sredstava, opreme na vozilu i o tome vodi propisnu evidenciju,
- vodi evidenciju o upotrebi i korištenju vatrogasnih vozila,
- obavlja i druge poslove koje mu naloži komandir profesionalne vatrogasne jedinice.

**II. Uslovi za obavljanje poslova:**

**a) opći uslovi**

Propisani članom 24. Zakona o namještenicima u organima državne službe u Federaciji Bosne i Hercegovine („Službene novine FBiH“, broj: 49/05), (da je podnosilac prijave):

- državljanin BiH,
- da je punoljetan,
- da ima opću zdravstvenu sposobnost za obavljanje poslova onog radnog mjesta za koje se prijavljuje,
- da ima vrstu i stepen školske spreme potrebnu za obavljanje poslova radnog mjesta prema pravilniku o unutrašnjoj organizaciji organa državne službe,
- da u posljednje dvije godine od dana objavljivanja ovog javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji i Bosni i Hercegovini i,
- da nije optužen za krivično djelo iz nadležnosti Međunarodnog tribunala za bivšu Jugoslaviju u Hagu.

### b) posebni uslovi

Pored općih uslova predviđenih članom 24. Zakona o namještenicima u organima državne službe u Federaciji Bosne i Hercegovine („Službene novine FBiH“, broj: 49/05), kandidat treba ispunjavati i sljedeće posebne uslove:

- SSS – KV vozač/III stepen,
- Vrsta školske spreme: Srednja stručna škola najmanje III stepen (tehničkog smjera: vatrogasne, građevinske, metalske, hemijske, električarske, šumarske ili drugi smjer tehničke struke), član 105. stav 2. tačka 1. Zakona o požaru i vatrogastvu“, („Službene novine FederacijeBiH“, broj: 64/09),
- Položen stručni ispit za vatrogasca,
- Položen vozački ispit “C” kategorije,
- Radni staž/iskustvo: 10 mjeseci.

### III. Potrebni dokumenti

Uz prijavu na Javni oglas i kratku biografiju sa naznakom kontakta i adrese (prijava obavezno mora biti potpisana), u originalu ili ovjerenoj kopiji, prilažu se sljedeći dokumenti:

- Svjedočanstvo/diplomu o školskoj spremi,
- CIPS lična karta,
- Uvjerenje o mjestu prebivališta,
- Uvjerenje o državljanstvu (ne starije od šest mjeseci),
- Izvod iz matične knjige rođenih,
- Dokaz o položenom ispitu za profesionalnog vatrogasca (u skladu sa članom 106. Zakona o požaru i vatrogastvu“, („Službene novine Federacije BiH“, broj: 64/09),
- Dokaz o radnom stažu/iskustvu nakon sticanja stručne spreme (uvjerenje izdato od Porezne uprave o podacima o radnom stažu/iskustvu),
- Dokaz za VKV/KV vozača „C“ kategorije,
- Dokaz da u posljednje dvije godine od dana objavljivanja Javnog oglasa nije otpuštan iz organa državne službe kao rezultat disciplinske kazne na bilo kojem nivou vlasti F BiH odnosno BiH, (izjava ovjerena u općini ili kod notara),
- Ovjerena izjava kandidata da nije obuhvaćen odredbom člana IX. tačka 1. Ustava BiH, (izjava ovjerena u općini ili kod notara),
- Ovjerena izjava da se da se protiv kandidata ne vodi krivični postupak, te da nije osuđivan za krivično djelo protiv života i krivično djelo protiv imovine (u skladu sa članom 105. Zakona o zaštiti od požara i vatrogastvu „Službene novine FederacijeBiH“, broj 64/09).

#### Napomena:

**Kandidat koji nema položen stručni ispit za profesionalnog vatrogasca može se primiti u radni odnos bez položenog stručnog ispita za profesionalnog vatrogasca.**

**Ljekarsko uvjerenje o psihofizičkoj i zdravstvenoj sposobnosti (ne starije od 3 mjeseca) primljeni namještenici prilažu po pravosnažnosti rješenja o prijemu u radni odnos.**

**Uvjerenje nadležnog suda da se protiv kandidata ne vodi krivični postupak (ne starije od 3 mjeseca) primljeni namještenici prilažu po pravosnažnosti rješenja o prijemu u radni odnos.**

Svaki kandidat je dužan/obavezan u prijavi dostaviti svojeručno potpisanu i ovjerenu Izjavu da daje izričitu saglasnost Općini Olovo, za obradu njegovih ličnih i posebnih podataka sadržanim u dostavljenoj dokumentaciji uz prijavu na Javni oglas, u svrhu i na način obrade ličnih podataka na osnovu zakona ili drugog propisa, a u skladu sa Zakonom o zaštiti ličnih podataka („Službeni glasnik BiH“ br: 49/06, 76/11 i 89/11).

- Pored navedenog, poželjno je da kandidat ispunjava i dodatne uslove:
- samostalnost i odgovornost u radu,
  - proaktivnost, spremnost na timski rad,
  - odgovorno postupanje sa sredstvima i opremom,
  - uvjerenje o položenom ispitu za rukovaoca građevinskim mašinama.

Javni oglas ostaje otvoren 15 (petnaest) dana računajući od posljednje objave u jednom od tri dnevna lista koji se distribuiraju na cijelom prostoru Federacije BiH.

Prijave sa traženom dokumentacijom preporučeno poštom dostaviti u zatvorenoj koverti na adresu:

**OPĆINA OLOVO  
BRANILACA BB  
71 340 OLOVO  
sa naznakom**

**"Javni oglas za prijem namještenika u radni odnos na određeno vrijeme  
u radni odnos u trajanju od 6 (šest) mjeseci  
-"Vatrogasac-vozač" u Službi civilne zaštite - 2 (dva) izvršioca"  
„Ne otvarati“**

Nepotpune, neuredne i neblagovremene prijave neće se uzimati u razmatranje.

**Broj: 02-30-1-1675-2/22**

**Datum: 28.09.2022. godine**

